

შპშპშპ

შპშპ

№-23.8
 მომართა
 მოქმედ

იხარისხიანი
 ჟურნალი № 2

9 იანვარი, 1911 წ. ფასი 10 კაპ.

ყოველ კვირულად გამოდის

ს ვ ა ნ ი ს ს ი ხ ა რ უ ლ ი.

სვანი, (ჩიყვით
 შენამკობი)
 მთისა შვილი,
 მთად ნაშობი,
 ბედის მომღურავი მარად,
 მოდიოდა მთიდან ბარად.
 უცებ ნახა
 ქვეყნის მხსნელი!
 (ხელთა ეპყრა
 ბადე — ქსელი.)
 სდევდა მინდვრათ
 ბუზ-პებლებს,
 მოფარფატე
 გულმკერდს კრელებს.
 ჩაეცინა
 იმ სვანს გულში,
 ამ სურათის
 შემხედვარეს.
 სთქვა: „ცხადია
 ბედა სწყალობს
 გაჭირვებულ
 სვანთა მხარეს.
 თუ სტუმრებმა,
 ძვირფასებმა,
 ბუზ-პებლები
 დაგვიძვირეს,
 და სვანები,
 სანიმუშოდ,



ერთიც აღარ
 დაიჭირეს,
 თუ გვაკმარეს,
 რაც იმ წლებში
 ცრემლი ვღვარეთ
 და ვაგლოვეთ,

თუ ახალი მოწყალება
 ჩვენ მათგან ვერ
 მოვიპოვეთ,
 ჩვენისთანა ბედნიერი,
 არ იქნება
 მაშინ ერი!

1173

დაკარგულ სიტყვებს.

ვით ობოლი მარგალიტი,
შენ ჩე? ბაღში ჩამოვარდი:
გაიფურჩქნე, აყვავილდი,
გახდი ჩემი ია-იარდი,
დაგინახე... მომეწონე...
შეგიყვარი... შეგიყვარდი...
ვაჰ, რამდენათ ტკბილი იყავ,
ბოლოს იმ ზომ გამიმწარდი!

ტრფობის სიზმრათ ჩამიტარდა
ის პირველი შენი ნახვა;
ვერც ამბორი მოვასწარი,
ველარც პირჯვრის გამოსახვა,
მოფრინდი და მყის გაფრინდი,
გული მწარეთ გამემახვა,
სამარის ღოდს მიემსგავსა
ჩემი ფიქრი, ჩემი ზრახვა!..

სად გეძიო, აღარ ვიცი:
ხმელეთად, თუ ზღვაზე ნავით?
ისევ სტოცხლობ, თუ მომიკვდი
და მოკირთო ძაძა-შავით?
თუ ავსოლად გადაიქეც,
მთა-ბარზე ჰქარი ნიავსავით?
თუ შავ კლდეში გადრჩხე
უმაღლურმა თავის თავით?!

სულერთია... მაინც გიგლოვ,
ჩემთვის უდროთ დაკარგულო!
ფრთა შესხმულო, სასოებავ,
ახლა დანწევარ-დადაგულო!
სასიცოცხლო ია-ვარდო,
უდროო დროს დამაზხულო!
სილა მტვერში ჩანარებო,
სიყვარულის ნაკადულო!!.

ნ. ზღმლეული.

გაბეზული ძალი.

— ნეტავ რისთვის დაიჭირეს, ქალო, მარინეს ბიტი,
დათოი?

— რისთვის და რედაქტორი იყო, „გლეხსა“ სცემდა.

— ოი, ხელი უკურთხა ღმერთმა იმის დამპირავებს.
განა გლეხს ცემა სხვებისგან არ ეყოფოდა?!

ძაბთულ თეატრში.

— დღევანდელ წარმოდგენას ამჯობინებ ამ დრამასს,
ბ-ნ ნიკო, თუ პირვანდელს?

— რასაკვირველია, პირვანდელს?

— მე რე რა მოაზრებით?

— იმ მოაზრებით, რომ პირველს მე არ დავსწრებვივარ.

დეპუტები.

ოზურგეთი. ბ-ნ ივანე ჯაყელს საუცხოო
სიზმარი ესიზმრა: მან ნახა, თითქო კვალად იგი
განაგებდა ოზურგეთის სატუსალოს. გამოღვიძების
შემდეგ გამოირკვა, რომ ის, ყოფილი უფროსი
საპყრობილისა, თითონ ტუსადათ მომწყვდეულა
იმავ სატუსალოში. როგორც ამბობენ, ბ-ნ ივანეს
არ მოსწონს ეს ახალი თანამდებობა, მაგრამ ბევრი
იმ აზრისაა, რომ ეს მასზე ზე გამოჰკრილიაო.

სამტრედია. სადგურის უფროსმა „იუბაღე“
გადაიხადა. ამბობენ, ეს იმ „ძველი ფულებით“
მოაწყო, რომელიც ამ წინა წლებში შეიძინა ვი-
ლაც „აულუბრყვილო“ გლეხებისაგანო. მრავალი
„რეჩი“ წარმოითქვა და ბევრი მგრძნობიარე სიტყვა
დაიხარჯა ქვეშევრდომთაგან.

დიდი ჯიხაიში. დიდი ჯიხაიშის პატარა ქუ-
ჩაში ერთობ დიდი ამბავი დატრიალდა. მოულოდ-
ნელათ გაძარვეს და მარჯვენა ხელში დასჭრეს
თფილისელი მუშა ანტონ ვაშაკიძე. გამოძიება
სწარმოებს.

სამტრედია. „ნოვი სვეტის“ საზოგადოებას
გამოუწერია სამასიოდე არღანი.

ქუთაისი. ადგილობრივ მოსწავლეს ახალგაზრ-
დათაგან ამ ორ დღეში არც არავინ მოუკლავთ,
არც თითონ მოუკლავს თავი.

სადმელი (რაქა). აქაური სულიერი მამები
ძლიერ დამწუხრებული არიან იმის გამო, რომ
სოფლებში ძალიან გახშირებულია ავადმყოფობა და
ხალხი ბლომათ იხოცება.



რევიზია

ახალი წელი ერთგულათ
 იძიებს საქმეს თვისასა!
 (ახალი ცოცხი კარგათ გვის,
 ძველი მოატანს ქვიშასა!)
 მყისვე, პირველი დღიდგანვე,
 დაიწყო რევიზიები!
 (განა ცოტა აქვს საბრალოს
 საქმენი მოსაძიები?)

რედაქციებში.

თფილისის რედაქციებსა
 მიაპყრო უმალ თვალები
 და გაიოცა, რა ნახა
 ხალხი მუნ განაწვალები.
 იკითხა: „კალმოსანებო,
 რას ჰგეგხართ შისაბრალები?“
 გაეპასუხა „სინათლე“:
 — ბატონო, გენაცვალები,
 ძველნი სხვა გზაზე ვიღოდენ,
 მე გზა მაქვს შენაცვალები,
 „მე ვიხსნი საქართველოსა“
 თუ არ დამაწვიენ ვალები.“
 „სახალხომ“ უთხრა:
 — მე რა ვთქვა?
 შემხედვე? შეგეწყალები,
 სათქმელი ბევრი რამა მაქვს
 პირში არ მედგეს წყალები! *)
 ცოცხლებში ტყვილათ გგონივარ
 მისარიცხ-მისათვალები.
 აზნაურული ვალი მაქვს
 ძლივ-ძლივას ვეჩინალები.
 „ცხოვრება ხელოვნებამ“ სთქვა:
 — გავა მაქვს განარგვალები,
 თორმეტი რედაქტორი მყავს
 იაგუნდი და ლალები...
 თორმეტი ძიძის ხელში ვარ
 ამ რიგათ მინამზრჩვალები:
 ლექსი ნაღეჭი, მოთხრობა
 შინაარს განამკრთალები.
 „ეშმაკის მახე“ იყვირა:
 — უშნოთ სტყუიან მხდალები,
 ჩვენ უმეცარნი გვარჩობენ,
 გვტანჯავენ ბნელი ძალები,

*) ენა ქართული ეგრე ყავს
ამ გაზეთს განაწვალები!

რეპრესიების ტაფაში
 იხრუკვის ჩენი ძვალეზი...
 სახე მისთვი გვაქვს მიმკრთალი
 და მიბნედილი თვალეზი,

ახალი წელი გაცვიფრდა.
 სახე გაუკრთო სევდამა.
 სთქვა: — „ნუთუ ეგრე გაგტანჯათ
 საბრალო ჩემმა დედამა?
 თქვენ კაცის სახე არ გაძევთ,
 არც თვალი გიჭრისთ, არც ყური...
 და ნუ თუ შრომა გგონიათ
 მარტო ტაფაში ფაფხური?
 მე ნებას გაძლევთ... გაიგეთ?,
 მე ნებას გაძლევთ ყველასა,
 დაუმალავთ იმსჯელოთ
 ვინ რას თხოულობს შევლასა:
 გლეხი რა ტანჯვას განიცდის,
 მუშა რა ხათაბელასა,
 ქვრივი რად მოსთქვამს, ობოლი
 რად ნატრობს კონკის ძველასა,
 ბურთ მოედანი რად დარჩა
 მარტოდენ ტურა-მელასა“.

საბრალო კალმოსანები!
 ცრ-მლი მოადგა ყველასა
 ფიქრობენ — „გვმართებს სიფრთხილე
 უფრთხილდით კუდა-მელასა
 პროვოკატორი იქნება,
 შეგვამხიხვევს ხათაბელასა:
 — ხვას რად არ იღებთ, მწერლებო?
 რათ დამიუნჯეთ ბაგენი?
 თქვენა ხართ ქიყენის მუშაკნი
 და ხალხის მოამაგენი?!
 შავს ველარ არჩევთ თეთრისგან,
 ბოროტისაგან კეთილსა,
 აზრებს ავრცელებთ ათასჯერ
 დანადეჭს გადაცვეთილსა...“

საბრალო კალმოსანები!
 მხოლოდ იტკობენ სმენასა...
 პროვოკატორი ჰკონიათ,
 როგორ დასძრავენ ენასა?!

ეშმაკი.



მესტირული.

ზურგი ვაქციე ქვეყანას,
 რა ვსცან, ის უკმაჟურია.
 ავდექ, გავშორდი... იქ ყოფნა
 ვსთქვი: — არ მსურს, აღარ მწყურია.
 სიცრუის არის იგი ზღვა,
 ცბიერთა ნავთსადგურია:
 იქ ქკუას კუჭი განაგებს
 და ძმობას, მტრობა-შურია.
 მას მიენდობის მხოლოდ ის,
 ვ-ნც თავის უმადურია;
 იმისი ავან“ ჩავანი
 მხოლოდდა „ლუკა პურია“,
 და საიმისო ხრიკები
 დღეს „ქვეყნის სამსახურია“,
 ამ ქვეყნიური აღ-რსია,
 ცრუ არი სანანურია, —
 გადახურდავდა სინდისი,
 არ სჭრის თვალი და ყურია,
 ძმა მოძმის სისხლს სვამს უტიფრად...
 რას გავს ეს, სადაურია!?
 და უკუ ვიქვეც ცხოვრებას,
 ვითა ღორ-ს ხორცს ურია.

ვიდექ მარტოკა, ობოლი,
 სიცოცხლე ჩანამწარები.
 სულის ტკივილით ტანჯული
 ვინ ნახეთ განახარები,
 ან განკმირული ისარით,
 ჩანჩალით გზა-წანარები.

სიცოცხლეს ვესალმებოდი,
 სიკვდილის ვნახე კარები
 და მზათ ვიყავი ტანჯული
 ჩამომერეკა ზარბა,
 რომ ამ დროს ყურსა მომესმა,
 შორით ხმა სანეტარები:

„მესტვირევ, სტვირი აიღე,
 ეს გაჩუმება კმარაო!
 მომართე ძველი ქამანჩა,
 შენ იცი მისი ხმარაო.
 რა რომ ის აღარ დაგიკრავს,
 კარგა დრომ გაიარაო,
 და რაღას უცდი, ადექი,
 გაბერე გუდა ჩქარაო!
 უკუ ქვეყნიხარ ცხოვრებას,
 რა სევდა შეგეყარაო?
 მართალი არის: სოფელმა —
 სიცოცხლე ჩავამწარაო,
 მაგრამ სად თქმულა სიმართლით

კაცმა ვლო გზა და შარაო
 და მოიხვეჭა სიამე,
 დასტკბა და გაიხარაო?
 თავ აღებული ცხოვრების
 კარებზე ვინც მიმდგარაო,
 შენსავით უგემებია
 მას ნაღველ-ნხამ-ძირმწარაო,
 მარა ის მაინც ცოცხლითა
 არარად არ გამხდარაო,
 თუმცა ცრემლები, ეგების,
 მან შენზე მეტი ღვარაო.
 ნუ დაივიწყებ, ვინც სტვირი
 მოგცა და ჩავაბარაო;
 მან ორი წესი დაგიღო, —
 ორივე თანაბარაო,
 ერთი, — თუ სული გოდგია,
 სანამ არ გაგეყარაო,
 ე მაგ შენ სტვირს და ქამანჩას
 არ უღალატო, არაო!
 და ან მეორე — თუნდაც რომ
 ხვილოდე წვივ-დამწვარაო,
 მშვიერ-მწყურვალი, ტიტველი,
 ღარიბი კარ და კარაო,
 (კაცი მშვიერი სჯობია,
 ვიდრე კუჭ გამაძლარაო),
 დეე უმეცართ გიწოლონ,
 თუ გინდ რომ მეტიჩარაო,
 არ შეუშინდე მუქარას
 განვლე სიმართლის შარაო.
 და, თუმც ამ ქვეყნად იქნები
 შენ დატანჯული, მარაო
 ჯილდოთ შენ ესეც გეყოფა, —
 ცხოვრობ და არ იპარაო,
 და როს მოკვდები მშვიერი
 ვითარცა ვიგინდარაო,
 იტყვიან: ჩვენი ბლიკვაძე,
 „ვაძლომით“ არ მომკვდარაო!

ა. მღვივანაძე.



ბ. თავუნას ახალი რომანი.

„ეშმაკის მახის“ შემდეგ № ში დაიწყება ბექ-
ღვა ბ. თავუნას ახალ რომანისა. რომანის შ-ნაარ-
სი აღებულია საქართველოს ცხოვრებიდან და
ეხება XXVI (ოცდამეექვსი) საუკუნეს.

ბ. თავუნას ახალ ნაწარმოებს წინ უძღვეს
გამოჩენილ კრატეოსს წინასიტყვაობა, რომ-
მელშიაც, სხვათა შორის, ცნობილ ჩინელი
კრიტიკოსის ბ. ფან-ჯუ-სესი და ბუშმენტა შესა-
ნიშნავ მწერლის ბ. ჩავანდლუპუს აზრებიცაა
გადმოცემული აღნიშნულ რომანის შესახებ.

ბ. თავუნამ დიდი ხანია დაასრულა თავის ახა-
ლი რომანი, მაგრამ პირველათ უცხო ენებზე
(ჩინურათ, ბუშმენტურათ, გოტენტოტურათ და სხვ.)
გამოაქვეყნა. ჩვენი საზოგადოება დიდის ცნობის
მოყვარეობით მოელის გენიოსურ თხზულე-
ბის სამშობლო ენაზე დაბეჭდვას და შურის თვა-
ლით უცქერის იმ განათლებულ ერებს, რომელთაც
თავუნას რომანის წაკითხვაში პირველობა არგუნა
ბედმა...

ვინაიდან ბ. თავუნას ახალი რომანი მთელს
ხანას შექმნის ჩვენს ლიტერატურაში და ათას
ცნობის-მოყვარე აზრს აიუძრავს მკითხველს ავტო-
რის შესახებ, ჩვენმა გაზეთმა განიზრახა, რამდენა-
დაც შესაძლოა, დააკმაყოფილოს ამ მხრით მკით-
ხველი. ამ მიზნისათვის „ეშმაკის მახემ“ დაავალა
ერთ თავის თანამშრომელთაგანს, გამოიყენოს ბ.
თავუნას ჩვენ გაზეთისადმი კეთილგანწყობილება
და რედაქციის სახელით რამდენიმე ინტერვიუ გაუ-
მართოს მას.

პირველი ინტერვიუ მოხდა კიდევ. აი, რო-
გორ გადმოგვცემს მას ჩვენი თანამშრომელი:

„სალამოს 4¹/₂ საათი იქნებოდა, როცა ჩვენ
ჩვენს განსწავლულ რომანისტთან შევედით. ბ. თავ-
უნამ თავის სამუშაო ოთახში მიგვლო და მეტის-
მეტი თავაზიანობა გამოიჩინა მუსაიფის დროს.

— მე ძალიან მომწონს თქვენი ჟურნალი, —
დაიწყო მან, — და ყოველსავე ღონეს ვიხმარ, ხელი
შეუწყო მის წინმსვლელობას. ჯერ-ჯერობით და-
კმაყოფილდით ჩემი ახალი რომანით, რომელ-ც
პირველათ იბეჭდება ქართულათ, და შემდეგისთვის
კიდევ სხვა იყოს...

— ნება მიბოძეთ, ბატონო, ორიოდ კითხვა
მოგცეთ...

— მე მზათ ვარ დავაკმაყოფილო თქვენი ცნო-
ბის-მოყვარეობა, — გამაწყვეტინა ღიღებულმა ბე-

ლეტრისტმა, — რადკან ვიცი, რომ ჩემს ნალაპარა-
კვეს თქვენი გაზეთი სწორათ გადასცემს მკითხველს
და სხვებოვით არ დაამახინჯებს... მკითხეთ!

— თქვენ, რა თქმა უნდა, მოახსენებთ, რომ
მიმდ ნარე 2725 წ-ის დამდევს საქართველოს პო-
ლიტიკური ჰორიზონტი...

— მოითმინეთ, — კვლავ გამაწყვეტინა სიტყვა
ბ თავუნამ: — ამ თავითვე გიცხადებთ, რომ ამ ჟა-
მათ მე სრულიად ჩამოჩენილი ვარ თანამედროვე
ცხოვრებას და განსაკუთრებით კი პოლიტიკურ
მოვლენებს, ვინაიდან მთელი ჩემი გონებრივი და
სულიერი ყურადღება მიქცეულა საქართველოს
წაუსულისაკენ. მე ვიკვლევ მეოცე საუკუნის ნაშ-
თებს და ამ შრომამ იმდენათ გამიტაცა, რომ გუ-
ლი ამიცრუა ყველაფერზე, თვით დღევანდელ პო-
ლიტიკაზედაც კი...

— ბოდიშს ვიძახვ, ბატონო!.. ჩვენთვის და
ჩვენი მკითხველებისთვის დიდათ საინტერესოა
ყოველი თქვენი ნაბიჯა... ამიტომ ძალიან დაგვა-
ვალებთ, თუ თქვენს ახალ შრომაზე გვეტყვიან
რასმე...

— სიამოვნებით... მაშ ყური დამიგდეთ და
არ მოგწყინდეთ კი. ჩვენ, მეცნიერები, ძალიან
ხშირათ, ჩვენდა უნებურათ, აბეზარები ვხდებით
ხოლმე. ისე გაგვიტაცებს ლაპარაკის დროს საგანი,
ზოგჯერ სრულიად სპეციალური ხასიათისა, რომ
მსმენელი სულმთლად გვაფიწყდება ხოლმე. ახლაც
თუ ასე მომივიდეს, გთხოვთ ჩოხის კალთა ჩაშომ-
წიოთ და დროზე შემჩქეროთ! (იოხუნჯა ბ. თავუ-
ნამ). ჰოდა, მაშ ასე: მე ვიკვლევ მეოცე საუკუ-
ნის საქართველოს; იმ დროს, როცა ჩვენი სასიქა-
დულო განათლებული მამული რუსების ანუ სკვი-
თების უღელ ქვეშ იმყოფებოდა. ჩემდა საბედნი-
ეროთ, ერთმა გარემოებამ მეტის მეტათ გამოადვი-
ლა შრომა. სრულიად შემთხვევით, ჩვენი სატახტო
ქალაქის ჩრდილო-დასავლეთ ნაწილის (ამ ნაწილს
იმ დროს „ვერას“ ეძახდენ) ძველ ნანგრევებში
აღმოვაჩინე მთელი საწყობი იმ დროინდელ ერთ
შესანიშნავ ჟურნალისა. ჟურნალის ყველა ნომრებია
შენახული, ათას-ათასზე მეტი ცალი თითო
ნომრისა. როგორც სჩანს, აქ სცხოვრობდა
ამ ჟურნალის რედაქტორთ-უზუცესი (ცამე-
ტი რედაქტორის უფროსი) თავ. ნ. მ. ლორთქი-
ფანიძე. ის გარემოება, რომ ჟურნალის ამდენი
ცალი ინახებოდა აღნიშნულ ბინაზე, ამტკიცებს,
თუ როგორ გავრცელებული ყოფილა ეს ჟურნა-
ლი. მაითლაც, თუ თითო ნომრიდან 1500 ცალს
იტოვებდენ შინ, რამდენი უნდა გაესაღებინათ

მკთხველებში? რა თქვა უნდა, არა ნაკლებ 30 40 ათასისა; ეს რიცხვი კი იმ დროისათვის ძალიან დიდი იყო. ამ პოპულარულ გაზეთის სახელი გახლდა „ცხოვრება და ხელოვნება“. მე ძალიან ჩამაფიქრა იმ გარემოებამ, რომ შინაარსი ჟურნალისა სრულიად არ ეთანხმებოდა სახელს, რადგანაც არც ცხოვრებისა და არც ხელოვნებისა მასში არ იყო რა. დიდ საგონებელში ჩავარდი. „რას ნიშნავს ასეთი წინააღმდეგობა?“ ვფიქრობდი მე: „სად არის ახსნა ასეთი შეუფერებლობისა?“ რამდენიმე კვირის ფიქრის შემდეგ მე მივახსენე მიზანს და ყოველივე ავხსენი. საქმე ის არის, ბატონო ჩემო, რომ ცნებანი „ცხოვრება და ხელოვნება“ სულ სხვას ნიშნავდა მაშინ.

მე აღმოვაჩინე, რომ სიტყვა **ცხოვრება** წარმოსდგება სიტყვისაგან „ცხოვარი“, ცხვარი, სკვითური „*сараи*“, ხოლო მეორე სიტყვა „ხელოვნება“ რთული გახლავთ და შესდგება ორი სიტყვისაგან: „ხელი“ (ვახელებულ, გაცოფებულ) და „ვნება“ (ზიანი ზარალი).

ამისდაგვარად ჩემ მიერ ნაპოვნ ჟურნალის სათაური „ცხოვრება და ხელოვნება“ თანამედროვე ენით ითქმება ასე: „ვნება ანუ ზიანი, რომელიც წარმოსდგება განხელებულ ანუ გაცოფებულ ცხოვართაგან“.

— რა არის ეს უცნაური სათაური? ეს ხომ თავის გაწკებლვაა რედაქტორთა მხრით!

სრულიადაც არა! თუ ჩვენ დროში, „ცხვარი“ (სკვითური „*сараи*“) სათაკილო სახელწოდებათ ითვლება ადამიანისათვის, „ყოფიანი ცხვარი“ კი კიდევ უფრო სათაკილოა, ეს იმას არ ნიშნავს, რომ მეოცე საუკუნეშიაც ასე ყოფილიყოს! პირიქით, ჩემმიერ ნაპოვნი ჟურნალის ყველა №№ აშკარათ ამტკიცებს, რომ ჩვენი დროის ცნებანი, გემოვნებანი, შეხედულობანი და სხვა უცხო იყო მაშინდელ ქართველთათვის, რომელთაც იმ დროს ყველაფერი უკუღმა ესმოდათ.

ასე რომ ამ ჟურნალის რედაქტორთათვის ცხვარი სობრძნის იდეალი ყოფილა, ხოლო ნლოართქიფანძის „საშობაო მინიატურები“ ხელოვნების შედეგრი..

ამისდაგვარათ მეოცე საუკუნის ხანას მე სრულის უფლებით ვუწოდებ ხანა უკუღმართობასა და შეეკმენი თეორია დიალექტიურ განვითარებისა რომლის მიხედვით ჩვენი გონებრივი და სულიერი ცხოვრება წინააღმდეგობათა და უკუღმართობათა გზით ვითარდება...

უკაცრავათ, საგანს ავცდი და ლაპარაკიც

გავაქიანურე. თქვენი ბრალიცაა, ბატონო ჩემო! რატომდროზე არ მომწიეთ ჩოხის კალთა?.. დიახ... იმას მოგახსენებდი.. მაშასადამე თუ არ დავივიწყებთ იმ გარემოებას, რომ მეოცე საუკუნეში ყველაფერი უკუღმა ესმოდათ, ადვილათ ავხსნით სათაურის — „ცხოვრება და ხელოვნება“ — მნიშვნელობას.

სარგებლობა (და არა ზარალი), რომელიც წარმოსდგება **ბრძენ** (და არა ხელი) **ცხოვართაგან**. გავათავე, ბატონო ჩემო, და თავიც შევაწყინე, როგორც ვატყობ...

განცვიფრებით შევყურებდი ჩემს მობაასეს და არ ვიცოდი ვისთვის მიმეცა უპარატესობა: მეცნიერ-თავუნასთვის თუ მხატვარ-თავუნასთვის!

გამოვერკვიე და გამოვემშვიდობე...

არასოდეს არ დამივიწყდება ის წუთები რომელიც ჩვენ მხცოვან მეცნიერ-ბელეტრისტის სამუშაო ოთახში გავატარე“.

ასე ასწერს ჩვენი თანამშრომელიბ. თავუნასთან ბაასს.

შემდეგ №-დან ვიწყებთ ჩვენი სასიქადულო მწერლის რომანის ბექდავს.

მთის ნიაგს

მთის ნიაგო, იღუმალ ხმით მარქვი: ნეტავ, რას სისინებ? მშობლიური მწარე მოთქმით, ვის სტირი, ვის დაჰქვითინებ?

— ცხარე ომში დახოცილებს, უანგარო ხალხის შვილებს!

— მერე იცნობ მათ სამარეს, რომელ ლოდსაც მიაბარეს?

— როგორ არა... ბრძოლის ველზე, რას დაეცნ, მე იქ ვიყავ, ვებვეოდი დაქრილ ყელზე

მსურდა მათზე დავმკვდარიყავ, მაგრამ ამ დროს საიდანღაც

მესმა მღერა ობოლ გედის, თურმე იგი კენესა იყო,

მომაკვდავი მათი დედის... მომძახოდა: „მთის ნიაგო,

ჩამქრალია ჩვენთვის მზეო; მშობელთ ნაცვლად სასაფლაო

გვერდი შენ დაიტირე.“

და მას შემდეგ ანატირი, დავქვითინებ გმირთ სამარეს;

ეს არს ჩემი სევდა-ქირი, ამას შევეკვნეს არე-მარეს.

გ. ქიჩინაძე.

ს ტ უ მ რ ე ბ ი .

(სოფლის ცხოვრებიდან).

აჩრდილს ჰგავს ჩვენი გოგია,
ჩაღრმავებია თვალები;
გულს უწვავს, სულსა უდაგავს
ჯოჯოხეთური ალები.

იყო დრო, როცა გოგიას
მზე უდგა,—დარი დარობდა;
კარკ ოჯახს, კარგსა ცოლ-შვილს
გარს ევლებოდა, ხარობდა.

მაგრამ იცვალა ცხოვრება,
(რა ვუთხრათ კაცთა სიავის!.)
სახლ-კარი ცეცხლმა წაიღო,
ცხოვრება გაუჩიავის...

ვინც ქადაგობდა ზნეობას,—
ღმერთი ეკერა პირზედა,
მან უფრო რწყო ხარხარი
გოგიას ვასაქირზედა.

რა ექნა საწყალ გოგიას,
მტერს ხომ ვერ თხოვდა შევლასა?!
თანამგძნობი-კი ვინც ჰყავდა,—
მისი დღე ედგა ყველასა.

ძლივს მცირე ფაცხა მოღობა
სახლის მაგიერ ბინათა,
თან ბრაზი ახრჩობს, რომ გახდა
მტერებისგან დასაცინათა.

წინანდელ პირობებშია
ვედარც საყანე აიღო;
რაც სთესა, მომყო ნაყოფი,
სულ მემამულემ წაიღო.

მის ნაშრომს ვიღაც სხვა სჭამდა..
მას ლუკმაც აღარ ებადა,
დამწეულ ცოლ-შვილს, საბრალო,
ბალახ-ბულახით ჰკვებავდა.

მაგრამ ამ გვარი საქმელით
გაუხდა ყველა ავათა...
(თუმცაღა, ბევრგან ხატებშიც
ატარა სალოცავათა)

გადატრიალდა ცხოვრება,
ველარაფერმა უშკელა;
ოთხ შვილში, გარდა ერთისა,
ამოეხოცა სუყველა.

ერთი-ღა დარჩა და ესეც
ჰყავს მეტის-მეტად ავათა;
კერასთან უწევს ჭალობზე,
კრუსუნებს საცოდავათა.

ცოლიც ქუთაზე შეშლილი
ცოდვით გულს უწვავს მნახველსა;
გაჭიკვის, მწარეთ იგონებს
დაკარგულ შვილთა სახელსა.

ამ შავ დღის მოქსწრე გოგია
თავ-პირში იცემს მწარეთა;
თანაც სდარაჯობს დაბმულ ცოლს,
რომ არ გაექცეს გარეთა.

და აი კარი იღება,—
იღება ჯახან-ჭრილით,
ხარკის ანკრებნი ქოხმ ხში
შემოვლენ ყვირილ ღრილით:

„ღრამის ფულს რისთვის არ გვაძლევთ?!
შეგარჩენთ, თუ რა გვონიათ?
აქ აქვენ რაღაცას თვალთმაქცობთ...
სიგიყვეც მოგიგონიათ!..“

ჩვენ მოტყუებას ნუ ფიქრობთ,
შესცდები გლახო, მწარეთა!!
აბა, ბიჭებო, რაც ნახოთ,
გამოიტიანეთთ გარეთა!!“

შეუდგენ კვლევ-ს... მაგრამა
გოგიას რაც არ ებდა,
ან ფულთა რაღა წაეღოთ,
ან „ტორგში“ ჩასაგდებადა!!.

„ე ბარგი მაინც სად გ.ჰქრა?!“
ფიქრობდენ—ვერ კი გაეგოთ,
(თურმე ის „სტუმრებს გუშინდელთ“
აკი წინ დღითვე წაეღოთ!).

ხელ-ცარიელი ვერ წავლენ,
ჯერ არ სჩვევიან ამასა,
ვერ წაუქცევენ მღვდელს სიტყვას,
როგორც სულიერ მამასა.

ღრამის ფულს ჰკრებენ და საქმეს
გულ გრილათ რათ დასტოვებენ,
მაშინ მღვდლის ლოცვა კურთხევას
ხომ ვეღარ მოიპოვებენ?.

რაც ფიქრათ სხვას არ მოუვა,
ის ფანატიკებს აწუხებს:
ხელ-ცარიელი თუ წავლენ,—
ღმერთს მაშინ ვინ უპასუხებს!!.

მაგრამ იკურთხოს გონება
შორს მჭკრეტი, თვალ გამჭრიახი!!
ეცენ საბუღარს და შიგ კრუნს
დააწყებ ნება კრიახი!!

აქ გობს მიაგნეს, იქ ძონძებს
ხელი ჰყვეს, აწეწ-დაწეწეს...

ბოლოს კერიის ძირასა
 ძველ ჭილობს თვალი აცეცეს.
 წამოჰკრეს ხელი და... რაღაც
 კენესა-კრუსუნი შეიქნა,
 (ბავშვს რომ ძირს მოსძვრა ბრავვანი,
 ეს თითქოს ვერვინ შენიშნა?!).
 გარეთ გავიდენ, გასწიეს
 ამა ნადავლით მცირათა;

თანაც გოგონას ლანძღავენ
 მწარეთ—უშვერი პირითა.

გოგონას ცოლი შეშლილი
 ისევ მიწვევს გარეთა,
 ბავშვი ძირს გდია, კრუსუნებს,
 გოგონა მოსაქვამს მწარეთა...

ფან-ტელა.

ჩვეულებრივი სანახაობა თფილისის „სობრანიში“



ოხერი „სკუკით“ განაწვალევი,
 ქართველ-სომეხთა
 ტურფა ქალები,
 როგორც ცქრილა მზე გოგონები,
 აგრეთვე კუტი
 ქალბატონები.
 ლოტოს თამაშით განვლიან ღამეს
 მითი მოჰგვრიან
 გულსა სიამეს.
 გაიძახნიან: „სემ“ „ტრიცი ღუა“,
 არც თვალი უჭრისთ,
 აღარც თუ ჰკუა.
 ბოლოს მოიგებს ერთი მათგანი;
 სხვებს აუტყდება
 გულის ქაქანი;

ასტყდება ჩხუბი „მოღეთა“ *) შორის:
 გასჭირდეს ნახვა
 ამათი სწორის!
 თმანი ბურტულივით იწეწებიან,
 ჩალისა ჭულზე
 ფეხით სდგებიან.
 აღარ ზოგავენ კაბებს, ლეჩაქებს...
 არც მანდილოსნებს
 ფეხქვეშ განაგებს...
 ასე თავდება ეს გასართობი
 გულს „სკუკა“ სტოვებს
 სულს ტანჯვის ობი.

*) როცა კაცები ჩხუბობენ მაშინ იტყვიან: ჩხუბი
 «მოძმეთა» შორის სწარმოებსო, ხოლო როცა ქალები იბრ-
 ძვიან, აღბათ „მოღეთა“ შორის უნდა ითქვას.

1911 წლის ჰირველი იანვრიდან იწყებს არსებობას ახალი ეოკულ-კვირეული იუმორისტული ჟურნალი

„ეშმაკის მახე“

„არსებობის დაწყება“ არც ისე ძნელი საქმეა. ჩვენში ბევრი, ძლიერ ბევრი ჟურნალ-გაზეთობა იწყებს ხოლმე არსებობას, მაგრამ... მაგარიც ის არის, რომ ჩვენი ცხოვრების უკუღმართობა უმადვე უსპობს მათ სიცოცხლეს: ზოგს ბუნებრივის და ზოგსაც ხელოვნური სიკვდილით. კვდება ის, ვინც ტირის; კვდება ის, ვინც იცინის! „ეშმაკის მახე“ სრულიად არ ენატრება სიკვდილი, მაგრამ თუ მას მაინც უწერია ახლო აღსასრული, ის ამჯობინებს სიცოცხლეში მოკვდეს; ტირილით კი მას მისი ქირისუფალნი დაიტირებენ. თქვენ იქნება იკითხოთ, ვინ არიან ეს ქირისუფალნი:

1) პირ მომცინარეთ მზერაღნი, თუმც ჰირ-მარამის მზერაღნი:

აკაკი (ჭაღარა წელთა მსვლელობით, ნაქები ენა მჭრელდობით). ბენუკა (მესტვირე მხნე და კუდი: გვიან გვიან სწერს წვეულები). ბლიკვაძე (ცნობილი იგავ-არაკით და სტვირის ტკბილი რაკრაკით). ეშმაკი (მაცდერი, მოუსვენარი, დაქნაღებელი მკებენარი). თაგუნა (მეცნიერებით ცნობილი, შრომაში გამაწრთობილი). კენტი (ბათუმის დარაჯ-მზგურავი, მოხსენებათა მწერავი). ონისიმე (მუმატანე ოდიშის, არ უყვარს მოხდა ბოდიშის). პიტნა (მწერალი რგურულ სცენისა, პატრონი მახეაღ ენისა). ფონ-ტეფო (მკესლაჯი ნაკურთხ მამათა: ის არ ასვენებს ამათა). შხანკოლა (კვიმატი, ენა-ფხიანი, ხუჯიკანთ მისცეს ზიანი)

2) ზაბუჰანი, ნორჩნი მბოღსანნი, ტკბილ-ხმოღვან ლირიკოსანნი:

ნ. ზომღეთელი, თურდოსპირელი, იასამანი, ლეჩხუმელი, მალაქიაშვილი, რუხაძე, ქუჩიშვილი. აი ქირისუფალნი „ეშმაკის მახისა“! ამიტომაც არ ეშინია მას სიკვდილის სახისა. სიცოცხლეში იგი არ დაინდობს არავის; ცოცხად მიუძღვის რამე ვის:

არ დაინდობს:	ღარიბს, მდიდარს,	მეტიჩარას,
არც ერს, არც ბერს,	ცბიერება ვისიც დიდ არს,	არ დაინდობს
არც კკუიანს,	არ დაინდობს	არც გარეულს,
არც ბრიყვს, არც შტერს,	არც მეცნიერს,	არც შინაურს
არ დაინდობს	არცა მამღარს,	გადარეულს,
არც კაცს, არც ქალს,	არცა მშვიერს,	ქედს არ მოხრის
ვინც გაურბის	არ დაინდობს	გაბედულთ,
სიტყვას მართალს,	დიდს, პატარას,	ვიდრე პირში
არ დაინდობს	მატრაკვეცას,	უდგას სული...

და თუ სიკვდილი აუცილებელი იქნება, ისეთ ქელებს გაუმართავს თავისს მკითხველებს, რომ ზოგიერთ ქორწილსაც გადააჭარბოს.

ვიდრე ცოცხალია, „ეშმაკის მახე“ ეცდება გააუმჯობესოს თავისი ფურცლები, როგორც მხატვრობის, აგრეთვე შინაარსის მხრივაც. ახლო მომავალში ის ელის სურათებს, რომლებიც მეტ მიმზიდველობას მისცემენ მას. „ეშმაკის მახე“ ამთავითვე აცხადებს, რომ მას არავითარი კავშირი არა აქვს სხვა და სხვა „იუმორისტულ ქუჩურ ალმანახებთან, რადგან მას არ მოსწონს, როცა ბეჭდვითი სიტყვას ქუჩის მაწანწალათ ხდიან.

ხელის მოწერა „ეშმაკის მახეზე“ ყოველთვის შეიძლება ზ იმდენი ვადით, რამდენი ვისაც სურს. წლიურათ ღირს 5 მან., ნახევარი წლით 2 მ. 50 კ., სამი თვით 1 მ. 50 კ. ერთი თვით 50 კ.

შემთხვევითი კორესპონდენტები წერილებს ამ აღრესით გამოგზავნიან: Тифлисъ, Грибоѣдовская, № 34. Типографія Е. Кереселидзе, для „Эшмакисъ Махе“.

ფულიანი წერილი კი უნდა გამოიგზავნოს ამ აღრესით: Тифлисъ. Габаевскіа пер. Типографія „Цховреба“ Аслану Каландадзе.

ჩვენებური ტიპი.

(გუძღვნი ქართველ ბელეტრისტებს)

ის აგერ ასი წლის იქნება, მაგრამ სიკვდილზე ოდნავაც არა ფიქრობს! წელიწადი არ არის რაც მეორე ცოლი მოიყვანა.

„აბა რა მოჰკლავს, მის სიცოცხლეში ჯაფა არ იცის, ავაქრებს ნოქრებს, აძარცვინებს ხალხს და ჰყრის უხვს მონაგარს უძირო სტომაქში“ იტყვიან ხოლმე მაზედ მუშები. მაგრამ არ არის ეს სავსებით მართალი. მართალია ბევრსა ძარცვავს და მუცელი გაუმძღარი აქვს, მაგრამ შიგ კი ბევრს არას ჰყრის, უკეთ ვსთქვათ, ფასიანს არას ჰყრის. დიდი და პატარა ყველა იცნობს ჭიათურაში ალა გიორგის. ზორბა, მოყვანილ ტანი, შავი, ძველი ჩოხა ახალუხით, დაკერებული სალდათის ჩექმებით და პირველი ქორწინების დროს ნაყიდი ბუხრის ქუდით აქვს მარად ეამს შემოსილი. ძალზე გადმოაკაკლული სისხლიანი თვალები სვავის გამომეტყველებით, წალდის ნიკურტივით ჩამოშვებული პრტყელი ცხვირი, ლოთივით დასიებული წითელი ლოყები—ყველაფერი ეს ერთად აშკარათ ხატავენ ალა გიორგის სიხარბე-სიძუნწეს.

ჯოხით ხელში, დილიდან საღამომდე დადის მალაზიიდან მალაზიამდე, უთვალთვალებს ნოქრებს, მუშებს, მსახურებს, ხომ არას ლაპარაკობენ, ხომ არაფერსა სჰამენო, მიდის ერთ შენობაში, მიდის მეორეში, მიდის მესამეში, მეოთხეში და ბოლოს მიაღწევს იქ, სადაც თითონ ცხოვრობს. მერე არ იკითხავთ სად შეუყრია მას ცოლ-შვილი? ისეთ ბნელსა, ისეთ ნოტიოს და ისეთ ქუჩყიან ბინას სპარსეთის სატუსალოებშიაც ვერ შეხვდები, იოაკიმე მეფის დროს აუგია მას ჭიათურაში სახლი მას შემდეგ ახალი ჭიათურა აშენდა, მისი სახლების გარეშემო ძვირფასი შენობები დაიდგა; იმანაც აქა თუ იქ დიდებული სახლები ააგო, სადაც აუარებელი ქირა შემოდის, მაგრამ ეს საკუთარი ბინა არამც თუ არ განაახლა, არამედ არც შეაკეთა. ჩატყდება სადმე იატაკი, აქედს ზედ მალაზიიდან გამოტანილ ყუთის ნამტვრევს, ჩამოვა სადმე სახურავში წყალი, ჯრჰობს იქაც ამნაირსავე ფიცარს და ასე სახლი გადახურულია კრამიტითაც, ყავრითაც, ფიცრითაც და გატეხილ სანაფთედან გამოჭრილი ჟეშტებითაც. იოაკიმე მეფის დროს ეს სახლი იქნებ მიწის ზემოთაც იდგა, მაგრამ ახლა ორივე სართული მიწაშია დამალული.

ალა გიორგის მუდმივ საზრდოს, ორივე წყება

ცოლ-შვილისათვის, შეადგენს მკადი და ლობიო, (რაიც ბლომათ შემოუღდის დაგირავებულ გლეხების ყანებიდან), და თუ ხანდისხან ხორციულსაც იგემებენ, უსათუოთ თავ-ფეხს, ან შიგნეულს (წელებსა და ფაშვს ძროხისას). სამაგიეროთ ძალიან უყვარს ალა გიორგის დღესასწაულებზე ხარჯი და სამზადისი. განსაკუთრებით ახალ წელიწადს, როცა ისე ხელუხვობს, რომ ჩაისაც კი მოამზადებს და იმასაც (ჰოი საკვირველებავ!) შაქარ ჩაყრილს!

ყველაფერზე მეტათ, ალა გიორგის, ავადმყოფობა სძულს. უკეთ ვსთქვათ, იმას სძულს მნახველები, რომელიც უზომო ხარჯს აყენებენ ოჯახს, ვიდრე თვით ავადმყოფობა. როდესაც მას ვინმე ავთ გაუხდება, ისე უნდა ეგდოს საცოდავთ მიწურ სახლში, უეჭიპოთ და უწამლოთ, სანამ ღარიბი მეზობლები, ან ვინმე ალას სახლებში მდგმური მოსამსახურე არ შეწუხდება და არ მოუყვანს ექიმს თავის ხარჯით. ხშირად თვითონ ფერშლებიც შედიან ალა გიორგის ავადმყოფის მდგომარეობაში და საქველმოქმედოთ უწყობენ ხელს. დღესაც მას სახლში უწევს მძიმე ავადმყოფი, საცოდავი ახალგაზდა ქალი. თავპარ დასივებული წვეს იგი ბნელსა და აყროლებულ ოთახში სრულიათ უმწეო და უნუგეშო. ალა გიორგის მხოლოდ ის აწუხებს, რომ მიცვალებულს საზოგადოთ დაკრძალვა სჭირია. ის ახლაც ასე ამბობს: „ეჰ, ბაბუა, რა უბედურება იქნება რო მართლა მოკვდეს! ათი თუმანიც კი ვერ ჩაიტანს ახლა მაგას იქა“. (მისი ავადმყოფი სხვა სოფლელია).

აი ახლა უნდა ვინანოთ, რომ „ძუნწის“ ავტორი ცოცხალი აღარ გვყავს და არ იცნობს ჭიათურელ გიორგი ალას!

ქმზავის სცუბარბი.

ჰეინედან

(თავისუფალი თარგმანი)

ჩემს ფართე მკერდზე მოგიყრდნია შენ, ჩემო სულისდგმავ, კეკლუცი თავი: დე, შენთვის ვიყო მშობელი ზეცა, ჩემთვის იქნები ცისა ვარსკვლავი.

დახედე ქვევით, სადღაცა შორეს, ხალხი უვიცი ეძლევა მტრობას, სჰამენ ერთმანეთს, ილანძღებიან, აბათილებენ ერთობას, ძმობა,

დაწანწალებენ წაღმა უკულმა,
მარად, ეძებენ არ იციან რას,
იღვრება სისხლი ვითა მდინარე,
ბოლო არ უჩანს ამა სისხლის ღვარს.

ჩვენ კი მვირფასო, ბედნიერი ვართ
აბა მითხარი ჩვენ ბედს რა წაგავს?
შენ თუ მიკვრიხარ შენ შობელ ზეცას,
მე გულში ვიკრავ ჩემ შობილ ვარსკლავს.
ქ. თლია

საუკუნო ქალაქი.

(გაგრძელება)

აჩქარებით გავეშურე ისევ ბულვარისაკენ, მაგრამ სხვა ქუჩით შემოვუარე.

— ვინ იცის, - ვფიქრობდი მე:—სიფრთხილეს თავი არ ასტკივა. იქნებ ის კაცი, ეგერ რომ მოდის, ჩემ საზვერავათ არის გამოგზავნილი!..

მოგონებამ გამოიტაცა. ყოველი სახლი, თითოეული კენჭი ქვა-ფენილისა ნაცნობი იყო და ათას გვარ საგანს მაგონებდა. წარსული ისეთნაირათ გაახლდა, ერთი მოგონება ისე გადაება მეორეს, რომ ყველაფერი დამავიწყა და გული ამიჩქროლა.

— აი, აქ, ამ სახლის ფანჯარებში მუდამ, დილიდან საღამომდე, იტყირებოდა სამი წყვილი თვალი ახალგაზდა ქალებისა... დაფუპირდაპირდებოდა თუ არა ამ ფანჯარას, ნაბიჯს ვუკლებდი, რადგანაც ვიცოდი, რომ სამივე ქალი ეშმაკურათ გამოდიმებდა და შავს, ანთებულ თვალებს გამომაყოლებდა.

ინსტიქტიურათ ვუკელი ნაბიჯს და წინანდებურის გულისფანქალით ავიხედე ზევით.

სწორეთ იმავე ფანჯარებში იტყირებოდენ სწორეთ იგივე თავები, იმნაირათვე დავარცხნილი თმებით და იმნაირივე ცუდლუტის დიმილით.

— ღმერთო ჩემო! ეს რა ამბავია? ნუ თუ ავათა ვარ და გალლუცინაცია მომდის!

ნაბიჯს ვუმატე; საშიში აზრი გალლუცინაციის შესახებ გავდენე და კვლავ მოგონებას მივეცი თავი: მეტათ ტუბილათ გამოკრთიდა წარსული განვლილ წელთა გადადმიდან.

— ამ პატარა ეზოში, მარცხნით, ბავშობისას მე მყავდა ერთი გულითაღი მეგობარი,—ფორფილე მზარეული, რომელიც ყველა მასწავლებელს მერჩია და რომელსაც თვით დირექტორსა და ინსპექტორზე მეტი ავტორიტეტი ჰქონდა ჩემს თვალში. სად არის ნეტა ახლა ჩემი პორფილე?

— პორფილე! ბიჭო!

მომესმა ეზოდან ქალის ნაცნობი ხმა და ჩემ თვალ წინ გაირბინა ჩემმა პორფილემ თავის ქუჩყიანი ახალუხით, გაწითლებული ცხვირით და გადაგრეხილი უღვაშებით.

— ჩვენთან არს ღმერთი! წმინდა-გიორგი, და მიცევი! ქეშმარიტათ, ქკუაზე ვცდები!

თვალებზე ხელი მივიფარე და თიოქმის სირბილით დავეშვი ქვევით. არ ვიცი, რამდენ ხანს მივბოდდი ასე... რალაც უცნაური ხმაურობა მომესმა, თვალები დავაქყატე და ყურები ავცქვიტე. რა უნდა იყოს ეს ნელი, განუწყვეტელი ღმუილის მსგავსი ხმაურობა?

რაც უფრო უახლოვდებოდა ბულვარს, მით უფრო მატულობდა ეს ხმაურობა. სრულიად დამავიწყა წელანდელი შიშის ზარი და ცნობის მოყვარულბამ შემიპყრო.

ბულვარისკენ ბლომათ მიეშურებოდა ხალხი. იქიდან მომავალი კი არც ერთი მგზავრი არა სჩანდა.

— სად მიეშურებითა? შევეკითხე ერთ გამვლელთავან: რა არის ეს უცნაური ხმაურობა?

გამვლელმა შემომხედა: სახეზე ტანჯვა აღბეჭდოდა, ის იყო უნდოდა პასუხი გამეცა ჩემთვის, მაგრამ უცებ ხმაურბა გაძლიერდა გამვლელმაც ერთი სახარლათ დაიღმუილა, თითქოს საშინელმა ტკივილებმა დაუარა ტანშიო, ზურგი შემაქცია და მოჰკურცხლა.

დაგრუნა.

(დასასრული იქნება.)

უსტარი ბელსებელს.

ზუგდიდს გიახელ მე ამ კვირასა...

ქალაქი არის ერთობ პატარა და მეეტლემაც ნახევარ საათს ყველა ქუჩები ჩამომატარა.

მოგეხსენება, ეშმაკეული რომ არის მეტად ცნობის მოყვარე: უნდა იცოდეს, ყოველს ქალაქში ვინ ჰყავს მას მტერი და ვინ-მოყვარე!

მრავალ არიან ყველგან მოყვრები, ანუ გვამები საჯოჯოხეთო.

თუნდ საყელოში წაავლე ხელი პირველს ქუჩაში რომ შეეფუთო და ჰკითხე: ღმერთს, თუ ეშმაკს მსახურებს! და არ იფიქრო, -ეკერძოს ღმერთსა, მაშინვე ეშმაკს მოიხსენიებს...
(„სამღვთოს“ ვერ ნახამ ათასშიც-ერთსა!..)

თუნდაც მაღალის სწავლით და ცოდნით
ის იყოს უზვად დანატვირთავი.
არ შეცდევ ღვთისად არც ის ჩასთვლო,
ეშმაკს ეკუთვნის იმისი თავი!

ჰა, მაგალითი: ვისხეც მსურს წერა.
„პატარაია ღობტური“ ქვია,
და რათ დავმალო, რაც ამ ექიმზე
მე მეეტლისგან იქ შემიტყვია?

„ვერსზე ორ მანეთ ნაკლებს არ იღებს,
მდიდარზე-„სკიდკა“, ღარიბს-„დავესკა“,
მითხრა მეეტლემ... მეც ეშაქურად
გულში ვუკურობე ექიმს „ვივესკა“;

რომ ღარიბისგან, მდიდრისთვის ნათმობს,
ის ოსტატურად შეივსებს, „პრაგონს“...
ოჰ, ბელზებელო, ვიცი, უღვაწში
ჩაგეცინება შენ, ამის გამგონს!..

იცინე, ძმაო, რამდენიც გსურდეს!..
მე კვლავ მეეტლეს დავუკლებ ყურსა.
მეეტლემ ამბობს (გახსოვდეს, რომ ის
მე მუქთად მიწევს ამ სამსახურსა):

„ღიახ!.. ავთაზყოფს გასინჯავს ერთსა,
ვისთვისაც არის დანაბარები,
დაუწერს რეცეპტს და იმავე წამსვე
უნდა მიართვან ხვედრი ფარები.“

ხშირად მეორე იქ აკადმყოფა,
მესამეც... მოჰყავთ, გასასინჯავი,
მაგრამ ექიმი მიხედავს იმათ?
შენც არ მოგიკვდეს ექიმის თავი!..

თუ რომ პრაგონი, „პირველის“ ღონი,
მათაც გაიღეს ცალცალკე, თითომ,
მაშინ ექიმის გულიც მოღებება!..
მერმე აქ კული რა არის ვითომ?!“

მხრების აწევით მკითხა მეეტლემ,
მაგრამ მე მყისვე უჩინარ გავხდი
და მეეტლესთვის გასამრჯელოც კი
არ მიმიცია, ძმავე, ისე წავხდი!..

ღნისიბუ.



სახალწლო ანდაზა.

ახალი წელი რითია
ძვილისგან განსასხვავები?
ც-ს, იგივე შავი ღრუბელი,
ქვეყანას, ყორან-სვავები,
ტირილი, ოხვრა, ვაება,
კვლავ ისე გაუთავები.

რედაქტორი „ძალღისუბნის ცხოვრებისა“

(თარგმანი)

ქალაქ ძალღისუბნის უდაბურ ქუჩაზე ვილაცა
წყნარათ მიაბიჯებდა. მოსახვევში მას ორი მგზავ-
რი შემოეყარა.

ერთმა მათგანმა შეხედა გამვლელს და იკი-
თხა:

— რა მიმზიდველი, რა მშვენიერი სახე აქვს
ამ კაცს! ნეტავ ვინ არის იგი?

— ის რედაქტორია ჩვენ „ძალღისუბნის ცხო-
ვრებისა.“

— აჰა! აი ვინ ბრძანებულა ეგ ჯოჯო. ერთი
დაზილოს კაცმა ლაზათიანად, აი მაღლიანი საქმე
ეს იქნება. ბელათ ქუჩაც ცარიელია.

— რისთვის?

— როგორ თუ რისთვის, გუშინ თავის გაზე-
თში ჩემი სიმამრი, ბაზრის მამასახლისი ავთა მოი-
ხსენია. ეჰ, ხელის გასვრა შეზარება, თორემ!?!..

სიძე ბაზრის მამასახლისისა მობრუნდა და
მიამახა მიმავალ რედაქტორს:

— ეი, შენ, ჯოჯოვ! როდისმე კი შემხვდები
მარტო ბნელს ქუჩაში, მე ვიცი შენი პატივი...
ტყავს გაგაძრობ, ტყავს!..

რედაქტორი შეჩერდა, მოისმინა ეს დაპირება
და მაშინვე დაავიწყდა. მას ასეთი დაპირებისათვის
არ ეცალო, რედაქციისაკენ მიეშურებოდა.

* *

სარედაქციო ოთახში რედაქციის მდივანი იჯ-
და და რალაცას თითებზე ანგარიშობდა. რედაქ-
ტორს გულგრილათ მიესალამა და გესლიანად ჩაი-
ცინა.

— გამაღლობთ, ძვირფასო! სწორეთ დიდათ
დამაველეთ.

— ეს რაღა ამბავია?

— მაშ ვინ შეგვხვეწათ ჩემი წერილიდან, „მოკენტული გზების შესახებ“, მეორე ნახევრის გამოტოვება?

— საშიში იყო, მეგობარო. თქვენ იქ ლამის პრისტავზედაც ჩამოაგდოთ სიტყვა.

მდივანი წამოდგა და აუჩქარებლივ დაიწყო:

— წყეულიმც იყავით თქვენ ყველანი აწ და მარადის და უკუნითი უკუნისამდე, თქვენი სილაჩრით, ანგარიშიანობით, თქვენი უაზრობით, ბოქაულებით, მოკენტული გზებით, მთელის თქვენი სიყალბისა და სიცრუის არსენალებით. გონიერი ადამიანი არასოდეს არ გამოსტოვებდა იმ ნახევარს ჩემი წერილისას, „მოკენტული გზების შესახებ“.

— ნუაუ დაგავიწყდა, მეგობარო, რომ ამ წინაზე უფრო უმნიშვნელო წერილისათვის დაგვაჯარიმეს სამასი მანეთით?

ტახტზე მიდგებული მდივანი ყურებზე ხელს იფარებდა და საზარლათ გადახზოდა.

— წყეულიმც იყავით, წყეულიმც იყავით თქვენი...

* *

ნაშუადღევს სამ საათზე რედაქციაში უცნობი კაცი შემოვიდა. იმან რედაქტორი იკითხა, შეიქრა მის ოთახში, დაახეტქა სტოლზე რალადა შეკრული და დაიღრიალა:

— აჰა, მიიღეთ! დამიბრუნეთ ეხლავე ჩემი ფულები.

— რა ამბავია, ბატონო ჩემო?

— აი თქვენი სულელური გაზეთები, „ძალისუზბანის ცხოვრება“ მიიღეთ, მთელი წლისა და ჩემი ფულები უკანვე დამიბრუნეთ.

— მიღებული არ არის, ხელის-მომწერლებს ფული უკან დაეუბრუნოთ.

— კარგია სწორეთ!—დაიღრიალა სტუმარმა. ფულის დაბრუნება მიღებული არ არის, ხოლო სისულელით მკითხველის გამოლაყება-კი მიღებულია. ცოცხალი, საყურადღებო ამბების წერა მიღებული არაა, და წერა „სპილოს გონიერების შესახებ“ კი მიღებულია? ჩვენი პროვინციის შავ-ბნელი ცხოვრების გაშუქება მიღებული არაა, ათასგვარ ბოროტ მოქმედებათა გამოაშკარავება მიღებული არაა, ხოლო „უბრალო საშველნა წებოს მოსაღღებლათ“ კი მიღებულია? „რამდენი ბაცილა ეტევა ერთ წვეთ წყალში“, ხომ ესეც მიღებულია? „ცნობები ხივის დამორჩილების შესახებ“ ხომ რასაკვირველია, მიღებული გაქვთ? დაიბრუნეთ ეს თქვენი ქარაფშუტა ფურცელი და ჩემი ფული დამიბრუნეთ. აქ მხოლოდ ორი ნომერი აკლია,

ქალმა მურაბის ქილას მოახვია თავზე, ჯანი გავარდეს გამომიქვითეთ ორი შაური. დანარჩენი მოიტათ. გესმისთ? ფეხებზე მკილია მე ის, თუ რამდენი სპილო ეტევა ერთ წვეთ წყალში, გესმისთ? ფულები გადმოაწყვეთ, ფულები.

* *

რედაქციიდან, რედაქტორი „ძალისუზბანის ცხოვრებისა“ შინ დაბრუნდა საღილისათვის.

— მობრძანდი? შეეკითხა მეუღლე. საღილი მოკეხალისათ შექვევლია. აი ხეთქე ეს მოხარშული კარტოფილი! მეტი არაფერი არა გვაქვს!

— ნუთუ? განა სულ დაიხარჯა ფულები? საწყლათ წაიდუღუნა რედაქტორმა.

— შეხედეთ ერთი ამ ბავშვს! ნამდვილი ინსტიტუტკა ბრძანდება. ნუ თუ სულ დაიხარჯა?“ გასულ კვირეს სამასი მანეთი ჯარიმა გადავიხადეთ „ლოთი გოროდოვის“ მოთავსებისათვის; 14 ამ თვეს კიდევ ორასი „ყვითელი ზღვის ნაპირზე გამაგრების“ დაბეჭდვისათვის. გამაგრდი ხომ? დაგავიწყდა? შენთვის ცოლი კი არ არის საჭირო, ციხეში ბორშს უნდა ქანქავდე. შეხედეთ ერთი! ახალი რობესპიერი გამოიჩეკა! . ბულანქე, „ალოონ ზანფან“.

* *

რედაქტორი გამოძღა კარტოფლით, ჩაიდო ჯიბეში სუფთა ცხვირსახოცი და გამოვიდა სახლიდან.

— რა გნებავთ? ჰკითხეს მას ერთი სახლის კარებთან.

— მათი მალაკეთილშობილების, ბნი გუბერნატორის ნახვა შეიძლება? დღეს დაბარებული ვყევარ.

წავიდენ. გაიგეს. გამოირკვა, რომ ნახვა შეიძლება.

— აჰა, ეს თქვენა ხართ!—იკითხა გუბერნატორმა.—მე დაგიბარეთ, რომ გამეფოთილებინეთ. თქვენ სახიფათო საქმესა თამაშობთ. ხომ იცით რაზე გელაპარაკებით? მაშ!.. მე ჩინებულათ მესმის თუ რას ნიშნავს ფრაზა: „კულტურული დაწყებულებანი შესაძლებელია მხოლოდ სრული დამშვიდების შემდეგ“. დიან, ჩინებულათ მესმის. იცით თქვენ 173 მუხლის მე-17 პარაგრაფის არსებობა?

— რომლისა? უკაცრავათ...

— მე გეუბნებით, იცით თუ არა თქვენ კანონის მე 292 მუხლის მეცხრე პარაგრაფის არსებობა?

— მე... არ ვიცი...

— ჰმ, მაგან არ იცოდა 423 მუხლის მესამე პარაგრაფის არსებობა! მაშ რაღა იცით? მე 92 მუხლის 7 პარაგრაფი ამბობს: რომ ბრალდებული და სხვა-და-სხვა. ისჯება და სხვა-და-სხვა.

რედაქტორმა ამოიღო ცხვირსახოცი, დაჯდა იატაკზე და ატირდა...

— თქვენო მაღალკეთილშობილებავ! სადღაც იტალიაში, საფრანგეთში, გერმანიაში დადიან ქუჩებში ადამიანები და იცინიან, იღიმებიან, ისინი ბედნიერები არიან, იმათ აქვთ პირადი ცხოვრება... მხიარული ბავშვებიც ცელქობენ... დანავარდობენ... თქვენო მაღალკეთილშობილებავ! რა ჩემი ბრალია, რომ მე წემენცი არა ვარ?

— რა სისულელეა!

რედაქტორმა ხელი ჩაიქნია.

— ეჰ, სულ სხვა მინდოდა მეთქვა... მაგრამ სულ ერთია... ნება მიბოძეთ ვიტყვო... ფიქრი ნუ გაქვთ, იატაკს არ გავაფუჭებ. ვილაპარაკოთ როგორც ძმა ძმასთან. ახლა სულ ერთია... აბა მითხარით რა დაგიშავე მე თქვენ? რა საჭიროა პარაგრაფი მეშვიდე, მერვე, მეოცე? აბა შემომხედეთ: განა მე ადამიანი არა ვარ? მეცა მაქვს გული, მაქვს ფილტვები, როგორც ყველა სხვა ადამიანებს რისთვის მიღება ფილტვები, მეხუთება გული, მეკრუნხებიან ძვლები?.. თქვენო აღმატებულებავ! აიღე ჩემი თავი, ხელი მოხვიეთ მას, გულში ჩაიხუტეთ და მიეაღერსეთ მას... საბრალოვ! საბრალოვ! არ არის შენთვის არც ერთი შუქი იმედისა! არ მოგეპოვება არც ერთი დღე ბედნიერებისა და სიტკბოებისა“. ჩვენი ცრემლები ერთმანეთისას შეუერთდებოდნენ და საიქიოს თქვენს საფლავზე სამი-ოთხი ვაშლი აღმოცენდებოდა მშვენიერი ნაყოფებით. ან თუ გნებავთ ასე მოიქცით: მე თავს დავდებ იატაკზე და თქვენ თქვენი ჩემის ქუსლით გაჭეუყეთ ის, გასრისეთ... ღმერთო, დავიქანცე...!

— რა საჭიროა ჩემთვის, ჩემის ქუსლით თავი გაგიჭეუყოთ. მე მიყვარს ლიტერატურა და პატივს ვცემ მის წარმომადგენელთ, მაგრამ... ყველაფერი უნდა იყოს კანონიერების ფარგლებში, იმ კანონდებულებათა საფუძველის მიხედვით, რომელნიც... გაძლიერებულ დაცვის... სამი თვის ვადით... ერთი ეროვნებას მეორის წინააღმდეგ ამხედრების. სენატის განმარტებებით...

გენერალმა დიდხანს ილაპარაკა, დაბალისა და ტკბილის ხმით.

მიყუჩებული რედაქტორი, წელში მოხრილი

იჯდა მის ფერხთა წინაშე და გაშტერებული თვალებით საწერი სტოლის ქვეშ იცქირებოდა.

ის უკვე მკვდარი იყო.

თომას ოპისკინი.

მ ც ნ ე ბ ა ს.

ოცნებავ, მთისკენ ნუ მიწვევ, დავეშვათ ისევ ბარათა:

უბირ ქოხთ შორის ქურდულათ ჩამოფყვით ნიაფ-ქარათა!

დე წინ აღვიდგეს წყვილიადი, ორლობით შორის ბნელოდეს, ღარიბის ქოხის პატრონი სტუმრათ არავის ელოდეს,

ჩამქრალ კერასთან ეძინოს; მუნ ცეცხლი აღარ ღვივოდეს, სიბნელ სიცივეს დაეპყრას, თოვდეს, გრივალი სიოდეს,—

ჩვენ მაინც კარზე მივადგეთ ქოხმახსა გზისა პირშია, ვნახოთ იმისი პატრონი, ვკითხოთ, რა გასაქირშია?

გვეტყვის... ოჰ, რაგებს არ გვეტყვის!..

ცოდვა რომ იქნევს ენასა!

ქვეყნის სიავის წისქვილი ბრუნავს და ახშობს სმენასა.

სიკეთის ურემს კი უჭირს, ტალახში არი ჩაფლული;

გიშერა იქვე აგდია

ჩლუნგის ნაჯახით დაკლული,

ლომას კი თოკი მოაბეს,

ბელზებელს ძღვნათა მიჰგვარეს...

ესე ამბავი ჭინკებმა

როცა შეიტყვეს, იხარეს:

დაარტყეს გლოვის „ბარაბანს“

გრძნების მდინარის პირათა...

(ავსულებს ქვეყნის სიავე

უხარისთ, უღირთ ძვირათა!..)

კვლავ გვეტყვის... მაგრამ ეჰ, კმარა!

ჩვენ უმისოთაც ვიცოდით,

სოფლის განსაცდლის მნახველნი

სიბრალოლითა ვიწოდით.

რა ვუყრთ? ვუთხრათ ნუგეში?

ბელზებელს გაეცნება.

ჩვენ წავალთ, ქოხის პატრონს კვლავ

კერასთან ჩაეძინება!..

ნ. ზამლოთაი.

ჭაეროპლანი.

ვისაც კი ესმის
 „ანი“ და „ბანი“,
 იცის, თუ რაა
 ჭაეროპლანი.
 (აი წინაზე,
 თფილის ქალაქსა,
 დიდუბის ახლო,
 დოლის ალაგსა,
 ყველა ნახავდა,
 ვისაც კი სურდა:
 კაცი ჭაერში
 როგორ აცურდა.)
 ბევრგვარი არის
 იმის სისტემა...
 ახმეტელოვმაც
 კი დაიჩემა:
 „მოვიგონეო
 ახალი მოდის?!
 მაგრამ, ნეტავი,
 ვიხილოთ როდის?!)
 ზოგს ბევრი ფრთა აქვს,
 ზოგს ერთი, ორი
 ზოგს მოღუნული,
 ზოგიერთს სწორი...
 მაგრამ რომელიც
 უკეთ დაფრინავს,
 დღე და ღამ ფხიზლობს,
 თითქმის არ სძინავს,
 რომელსაც მიჰყავს
 და არ აძრუნებს,
 გასტანჯავს მგზავრსა
 და ამბზუნებს
 რომელიც ქარსა
 არ ერიდება,
 რეაქციის რა
 ახლავს დიდება,
 აი ამგვარი
 ჭაეროპლანი
 გახლავთა ლექსისა


ჩემის საგანი
 მას ეწოდება:
 „ქართული პრესსა“
 (აღბათ გსმენიათ
 სახელი ესა!)
 უბრალოთ არის
 ის მოწყობილი:
 ფრთებთ გაზეთის
 ქაღალდი რბილი,
 საქეთ პატარა
 კალმისა ტარი,
 ბენზინის ნაცვლად
 მელნისა ღვარი
 შესწევს სამიოდ „ჩოჩორის ძალა“,
 (ბედაურები
 სულ გაეცალა!)
 პილოტათ უზის დარაჯი ორი,
 მგზავრათ იციოთ ვინ??
 ზის რედაქტორი!..
 მაგრამ თუ იგი შემოვლია,
 (რაც ჩვენში, თურმე
 ეგზომ ძნელია,)
 მაშინ გააფრენს
 თვით თანაშრომლებს
 და ქართველ მკითხველს
 გვიტოვებს ობლებს.
 მიჰყავს და მიჰყავს
 განუკითხავად
 (გინდ კარგად გრძნობდეს
 თავს, გინდა ავად),
 რედაქციიდან მეტეხისაკენ,
 მეტეხიდან კი რუსეთისაკენ.
 და რომ იქ სხვებში
 არ გაითქვიფონ,
 აი ამაზეც ზრუნავენ თითონ
 და თითველ მგზავრს
 დაუზოგველათ
 ნომრებს ასვამენ შავათ და გრძელათ:
 ზოგს 129-ს,
 ზოგს 126-სს
 ამით ვათავებ ამ ყამად ამ ლექსს.

ეშმაკი.



1582
1911

საკრემიო კარიკატურა



ცნობილია

ცნობილია, ქართულ სასცენო ხელოვნებას არა რა სცხია ხელოვნებისა. აგრეთვე ცნობილია, ქართულ თეატრს გულ-გრილათ ეპყრობა საზოგადოება. ზემორე აღნიშნული კარიკატურა გამოხატავს სწორეთ ამ განწყობილებას. ის, (ე. ი. კარიკატურა) ეკუთვნის ცნობილი ქართველი იუმორისტის, ნიქს. ვინაც უტყუარ პასუხს მოგვცემს ქვე-

მოზე მოყვანილ კითხვაზე, იმას დაეთმობა ჩვენი... ლოცვა კურთხევა მიელი წლით.

კითხვა: ვის შესახებ არის დახატული ეს საპრემიო კარიკატურა: 1) ქართველი არტისტების შესახებ, რომელთაც ხელოვნების იმდენი გაეგებათ, რამდენიც „ცხოვრება და ხელოვნების“ რედაქტორს, თუ.

2) ქართველ საზოგადოების შესახებ, რომელიც ამგვარ ხელოვნებას უფრო აფასებს?

ღია ფარილები

მ. ი. ულინგისა.

1) პირველი სერია „კავკასიის ტიპები“ დაიბეჭდა მესამეჯერ.

2) მეორე, ახალი სერია მხოლოდ ახლი დაიბეჭდა და იყიდება ა. ი. ბიხოვის სამხატვრო ლიტოგრაფიაში (Тифლისь. Головинский просп. 34). ვინც ერთად გამოიწერს, აღნიშნულ ფასებზე ბევარი დააკლდება.

რედაქტორ გამომცემელი ბაიოზ ჯაჭვავაძე.